

EMBASSY OF THE UNITED STATES OF AMERICA

PUBLIC AFFAIRS SECTION

TEL: 880-2-883-7150-4

FAX: 880-2-9881677, 9885688

E-MAIL: DhakaPA@state.gov

WEBSITE: <http://dhaka.usembassy.gov>



PRESS RELEASE

সংবাদ বিজ্ঞপ্তি

সাতক্ষীরায় মানব পাচার বিরোধী কমিটির সাথে সাক্ষাৎ করলেন যুক্তরাষ্ট্রের রাষ্ট্রদূত ড্যান মজীনা

ঢাকা, ১১ই ফেব্রুয়ারি -- গত ১১ই ফেব্রুয়ারি, যুক্তরাষ্ট্র দূতাবাসের রাষ্ট্রদূত সাতক্ষীরায় মানব পাচার বিরোধী কমিটির সাথে এক বৈঠক করেন। এই কমিটি যুক্তরাষ্ট্র আন্তর্জাতিক উন্নয়ন সংস্থা (ইউএসএআইডি)-এর মাধ্যমে যুক্তরাষ্ট্র সরকারের কাছ থেকে সহায়তা নিয়ে থাকে। এই বৈঠক মানব পাচারের বিরুদ্ধে লড়াইয়ে ইউএসএআইডি'র কর্মকান্ডের অংশ যা জনসচেতনতা এবং প্রশিক্ষণের মাধ্যমে মানব পাচার প্রতিরোধ ও নিরাপদ অভিবাসন প্রসারে স্থানীয় জনগণকে ক্ষমতায়ন করছে। এই প্রকল্পের মাধ্যমে যুক্তরাষ্ট্র সরকার চার'শ পাচার থেকে বেঁচে যাওয়া জনসাধারণকে সহায়তা দিয়েছে। বৈঠকে স্থানীয় সরকারের প্রতিনিধি এবং বেসরকারি প্রতিষ্ঠানের সদস্যগণ অংশগ্রহণ করেন যারা মানব পাচার বিরোধী গুরুত্বপূর্ণ বিষয় এবং মানব পাচার প্রতিরোধে সমন্বয় জোরদার করতে স্থানীয় সরকারের সহায়তা ব্যবস্থা সম্প্রসারণের প্রয়োজনীয়তা তুলে ধরেন।

সুশীল সমাজ এবং বাংলাদেশ সরকারকে মানব পাচার প্রতিরোধ, পাচারের শিকারদের রক্ষা এবং অপরাধীদের বিচারের আওতায় আনতে ইউএসএআইডি'র মাধ্যমে যুক্তরাষ্ট্র সরকার এবং বাংলাদেশ গত ২০০৮ সালে মানব পাচার বিরোধী কর্মকান্ড শুরু করে। এই প্রকল্প সরকারের দৃষ্টিভঙ্গি সম্প্রসারণ, মানব পাচারকারীদের গ্রেফতার ও আইনের আওতায় আনার বিষয়টি সম্প্রসারণ করা এবং শ্রমিক নিয়োগকারী এজেন্সীগুলোকে পর্যবেক্ষণ বাড়াতে পরামর্শের প্রচেষ্টা নিয়েছে। যুক্তরাষ্ট্র কার্যকরভাবে মানব পাচারের বিরুদ্ধে লড়াই করতে নতুন সমন্বিত আইন প্রণয়ন করতে স্বরাষ্ট্র মন্ত্রণালয়ের সাথে ঘনিষ্ঠভাবে কাজ করেছে। গত ২০১২ সালের ফেব্রুয়ারি মাসে এই আইনটি সংসদে পাশ হয়। যুক্তরাষ্ট্র সরকার মানব পাচারের বিরুদ্ধে লড়াই করতে, নতুন আইন কার্যকরভাবে বাস্তবায়ন করতে এবং এজেন্সীগুলোর মধ্যে সহযোগিতা জোরদার করতে একটি কর্ম পরিকল্পনা প্রণয়নে স্বরাষ্ট্র মন্ত্রণালয়কে সহায়তা প্রদান অব্যাহত রেখেছে।

EMBASSY OF THE UNITED STATES OF AMERICA

PUBLIC AFFAIRS SECTION

TEL: 880-2-883-7150-4

FAX: 880-2-9881677, 9885688

E-MAIL: DhakaPA@state.gov

WEBSITE: <http://dhaka.usembassy.gov>



PRESS RELEASE

১৯৭১ সাল থেকে বাংলাদেশের উন্নয়ন সহায়তায় যুক্তরাষ্ট্র সরকার 'ইউএসএআইডি'র মাধ্যমে ৬শ' কোটি ডলারেরও বেশী প্রদান করেছে। কেবল ২০১২ সালেই 'ইউএসএআইডি' বাংলাদেশের জনগণের জীবনমান উন্নয়নে ২০ কোটি ডলারের বেশী প্রদান করেছে। 'ইউএসএআইডি' বাংলাদেশে যেসকল কর্মসূচীতে সহায়তা প্রদান করে সেগুলো হচ্ছে -- গণতান্ত্রিক প্রতিষ্ঠানসমূহের প্রসার ও গণতন্ত্রের অনুশীলন, খাদ্য নিরাপত্তা কর্মসূচী ও অর্থনৈতিক সুযোগ-সুবিধার সম্প্রসারণ, স্বাস্থ্য ও শিক্ষা সেবার উন্নয়ন, এবং অভিযোজন ও স্বল্প কার্বন উন্নয়নের মাধ্যমে জলবায়ু পরিবর্তন পরিস্থিতির সাথে খাপ খাওয়ানো।

=====

ঢাকাস্থ যুক্তরাষ্ট্র দূতাবাসের পরিপূর্ণ তথ্য এবং বাংলা ও ইংরেজীতে বক্তব্য ও সংবাদ বিজ্ঞপ্তির জন্য আমাদের ওয়েবসাইটে <http://dhaka.usembassy.gov> এবং ফেসবুকে www.facebook.com/bangladesh.usembassy চোখ রাখুন।